



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1431. usque ad annum 1441

Fleury, Claude

August. Vind. [u.a.], 1768

VD18 90118316

§. 2. Alphonsus favorem Synodi aucupatus.

[urn:nbn:de:hbz:466:1-66426](https://nbn-resolving.org/urn:nbn:de:hbz:466:1-66426)

ullus, qui de ea testimonium redderet, Sæcul. XV.
A.C. 1436.
 testis produci poterat. Pontifex his rationibus motus ad iteratas Alphonfi querelas respondit, siquid juris ad regnum se habere existimaret, depositis armis, belloque dirempto illud coram Sede Apostolica prosequeretur.

§. II.

Alphonsus favorem Concilii aucupatus.

Alphonsus hoc responso vehementius commotus, publice Pontificem redarguit, merita, quæ Sedi Apostolicæ præstitisset, exaggerans; quamvis, si quæ eidem contulit, potissime proprium commodum respexisset, nec ita pridem Terracinam, quæ urbs ditionis Ecclesiasticæ pars erat, a se occupatam restituere renuisset. Itaque ut acerbius adhuc Papam vexaret, Basileensi Synodo adhærere decrevit; quem in finem datis literis Patres hortatus est, ut cuiuspiam negotium darent, qui Romam, & reliquas Romanæ Ecclesiæ ditiones invaderet, se quoque eidem validam opem præstiturum, ut ambo junctis viribus hæc bona sacræ Sedi vel Ecclesiæ denuo assererent. Ast specioso sub hoc obtentu re ipsa Ec-
Surita hist.
Arrag. l. 14.
 clesiæ statum sibimetipsi vendicare meditabatur. Postea iteratis ad Papam literis

ris

Sæcul. XV.
A.C. 1436.

ris eundem inducere satagebat, ne in Regno Neapolis adipiscendo obstitere sed potius decretis Basileensis Synodi hæreret; alioquin se Deum iudicem Cardinales omnes, universamque Ecclesiam testaturum, nemini alteri, præterquam Eugenio imputandum, si gravior exinde mala impostero Ecclesie imminerent, utpote quæ non nisi ex Pontificis pervicacia orirentur. Extat insuper alia Alphonsi epistola ad Synodum Cajetæ die octava Martii scripta, quæ summis laudibus extollit Patrum studia quæ ad fidem Catholicam amplificandam, & hæreticorum reductionem promovendam hucusque indefesso conatu impendissent: se quoque nihil non acturum spondet, ut eis pro viribus succurrere, ac quodammodo laborum, quos pro utilitate Ecclesie suscepissent, participari fieri posset, *Legationem nostram, inquit, bat, omni auctoritate insignem ad sacratissimum cœtum vestrum mittere decrevimus, ut si totius diei pondus & æstus non portavimus, saltem bonam magnamque ejus partem sustineamus. . . omnes reverendos & venerabiles Prælatos, plurimosque sacrarum literarum interpretes ac doctores hortamur, & in quantum in nobis est, compellimus, ut pro tam pio negotio facilius consummantur, brevi ad vos proficiscantur. Eam ob causam in Hispanias quoque Insularum Majoricarum*

Append. I.
Conc. Basil.
tom. 12. art.
101. p. 994.

ricarum Rectorem misit, qui Episcopos Sæcul. XV.
& Prælatos Basileam ire recusantes, o- A.C. 1436.
mnibus bonis exueret.

§. III.

*Sessio vigesima tertia Basileensis
Synodi.*

Celebrata est die vigesima quinta Mar- *Lab. Conc.*
tii Basileensis Concilii Sessio vigesi- *tom. 12. p.*
ma tertia, in qua Patres articulos de re- *557.*
formatione, qui in Sessione quadragesima
Synodi Constantiensis quasi perfunctorie
attingebantur, jam serio studio pertracta-
bant. Itaque decernebant. I. Quoties-
cunque *Sedem Apostolicam vacare contige-*
rit, Cardinales omnes decima die, postquam
vacaverit, in capellam aliquam prope concla-
ve convenient; Inde præcedente Cruce, bi-
ni cum devotione cantando, VENI CREA-
TOR SPIRITUS incedentes, locum con-
clavis ingrediantur: quo nonnisi duos Cle-
ricos quilibet introducat, quorum unus sit
Notarius. Quibus peractis fores Con-
clavis claudantur, ac quodcunque aliud
commercium Cardinalibus interdicitur,
ut solitudinis quiete ad recipiendam Spi-
ritus Sancti unctionem, qui ejusmodi e-
lectiones semper dirigere debet, aptio-
res efficiantur. Quod idem jam sub A-
lexandro III. in Concilio Lateranensi III.
sapientissime statutum legimus. In præ-
Hist. Ecclesiast. Tom. XXVII. P. senti